

Werk

Titel: Prüm cudasch da scoula per ils infaunts ne chantun Grischun

Ort: Erlangen

Jahr: 1907

PURL: https://resolver.sub.uni-goettingen.de/purl?345572629_0024|log10

Kontakt/Contact

[Digizeitschriften e.V.](#)
SUB Göttingen
Platz der Göttinger Sieben 1
37073 Göttingen

✉ info@digizeitschriften.de

PRÛM CUDASCH DA SCOULA.

Per ils infaunts nel chantun Grischun. Cuoir, Stampo tres
S. Benedict. 1833.

L'origine dellas trais eternas lias nella Rhätia e l'alleanza a Vaxerol.
(Dal 1330—1471.)

[p. 208] Zieva cha ils baruns da Vaz füttan morts our, d'vantettan ils chast-
launs et ils cavaliers da rapina darcho pü temeraris e pü violents invers
il pövel, et ils cunts da Sargans condüjaivan lur sudits nellas guerras e
battaglias, eba ils düchas d'Austria interprendaivan cunter las citeds et ils
pajais della confederaziun Schvizera. Que nun avess admiss Donat da 5
Vaz; ma el pussaiva gia dalöng inno suot sia grand' e greiva platta sepul-
crela, sper il convent da Curvalda.

In quistas guerras restettan ils conferedos dapertuot victorius. Ils
Bernais battettan la nöblia sper *Laupen*, 1339, ils Zürigais sper *Tätvyt*
1351, las Forestas il dücha Leopold sper *Sempach*, 1386, ils Glarunais 10
üna numerusa armada sper *Näfels*, 1388. Dürante quistas guerras eran
quels dellas las trais Forestas, Uri, Schviz et Untervalda, tres lur con-
cordia e valorusited dapertuot ils prüms et ils pü rispettos, güdand a tuots
ils oters ad acquister e mantegner la liberted. Quaist commovet las otras
citeds e pajais a's allier cun las trais Forestas, vzand, cha *concordia renda* 15
ferm. Usche intrettan nell'eterna lia: *Luzern, Zürig, Glaruna, Zug e*
Berna; e quista uniun formaiva la lia dels *oach velgs chantuns*.

Il pövel dell' *Appenzell* eran da que temp suot il domini del abate
da St. Gallen. Ün da quists abates era ün düer signiur, chi opprimaiva
quaist pövel muntagnard et ils guvernatur del quel vulaiavan tratter quel 20
[p. 209] auucha pü arbitrariamaing e crudelmaing. Co s'impissettan ils Appen-
zellais: „Perche vulains nus ans lascher tratter sco selefts; tres concordia
essans eir nus ferm.“ — Usche fettan tuots ils homens nel pajais d'Appenzell
üna secreta alliaunza, schiatschettan ils guvernatur our da lur chastels e

demolittan las fortezzas dels chastlauns. Perque vulaiua l'abate, cun agiid del dücha d'Austria, opprimer cun la foarza ils Appenzellais et ils fer darcho plajer süot il greiv giuf del velg domini; ma ils homens del pajais d'Appenzell battettan las armedas del abate e del dücha nels ans 1403 e 5 1405, nellas battagliais al *Speicher*, al *Stess* e sper *Wolfshalden*, e restettan libers.

In püssas da quistas guerras cunter ils confederos combattettan, suot las banderas da lur patrums, eir ils sudits rhätics dels cunts da Werdenberg e del uvaisch, ils quels ordinariamaiung tgniaivan cun l'Austria; ultra 10 quels pero eir bgers oters Rhätiers, condüts d'ambizius cavaliers. Els stuaivan spender lur saung o metter lur vitas in prievei, abanduner il cratsch e lur scoassas, per ün eister interess; quaiet als paraiva dür et ingüst. Ma in quistas guerras imprendettane bgeras chosas nüzaiulas; els vzettan, co cha las superbas armedas dels cavaliers gnivan tres la speda 15 dels libers confederos distaisas a terra, sco l'erva tres la fotsch, e co cha concordia e curaschi viril daun foarza e liberted. Acco s'impessettan eir els in lur cours: Ebain, eir nus essans homens et avains curaschi e ferma bratscha; scha eir nus ans colliains cunter l'arbitrio dels signiurs, inallura ne els, ne lur chastlauns ans tgniaron pü in sclavitüt.

20 [p. 210] Da co davent survgnittan ils Rhätiers granda inclinaziun per alliaunzas traunter peer, e püss dels baiuintenzionos signiurs s'unittan cul pövel. La prüma alliaunza formettan ils Tschalovers (Oberländers) cun il barun *Ulric da Rhäziins*, nel an 1395, ad Hanz, inua els s'impromettettan, da s'schirmager vicendevolmaing cun vita e roba, e da decider tuotas cun- 25 taisas traunter els tres compromissaris. Cur cha l'uvaisch da Coira et il cunt da Werdenberg-Sargans vzettan a nascher telas alliaunzas, e s'innacordschettan, cha eir lur pövels mussaivan inclinaziun lotiers, schi dschettane traunter peer: ad ais ura, cha nus ans collieschans *cun* ils sudits, uschigliö s'allian els *cunter* nus; per que saja alliaunza cunter alliaunza! e dalum 30 fettan quaiets duos signiuors cun lur pövels in Surset, Schams, Tumgiaischia, Obervaz, Evras e Bravuong, nel an 1396, üna lia, tres la quela sviettan il pövel d'otras alliaunzas.

Alchüns ans zieva, gia nel meg 1400, intrettan ils signiuors della Partsura, cioe l'abate *Johann da Disentis*, il barun *Ulric Brun* da Rhäziins, 35 ils *signiurs da Sax* cun lur pövels, sco eir las communiteds libras della Partsura, in üna alliaunza cun il pövel liber da *Glaruna*. Els s'impromettettan vicendevolmaing: „da deffender e protegger pajais e pövel dadains ils terms da lur confins e d'esser fidels confederos infin cha 'l muond düra.“

Quaistas alliaunzas füttan las precursuras d'otras alliaunzas per la 40 deffaisa della liberted e della güstia cunter l'arbitrio e la tirania; ma

ellas nun violettan üngüns drets, statuind, cha daja gnir do e conservo ad ogniün, taunt signiuors, co sudits, que ch'ad el da güsta radschun pertuocha.

[p. 211] Ma in que temp eran auncha crudels guvernatur, chi vzaivan invidas, cha il pövel dvantess liber; per que il vulaivane avilir e tratter cun beffa 5 e spretsch. Sün il chaste da *Bärenburg*, in Schams, era ün guvernatur del cunt da Werdenberg-Sargans, chi dess avair sforzo il pövel da manger our dal istess bülg cun ils püerchs. Dal chastlaun sün *Fardiin*, sper Donat, in Schams, vain requinto la seguainta istoria: Quaist chastlaun era la terror della val da Schams, meltrattand el il pövel e nun rispettand ne 10 bains, ne güstia. Cur ils ers e pros del agricultur eran il pü belg chargios da spias et erva, stuaivane servir da paschiüra a sia muaglia et a sieus chavals. Pover quel, chi avess agieu l'ardimaint da chatscher davent la muaglia del guvernatur. E pür, ün hom da quels contornis, *Johann Caldar*, fet que taunt; el curtellet duos chavals del guvernatur in sieu er, l'ira 15 cunter üna tela tirania aviand tiers el piglio il suramaun. Perque il fet il chastlaun clapper et il bütter per lung temp in praschun, infu ch'el cun arövs e daners reconquistet sia liberted. Il chastlaun savaiva, cha quist hom purtaiva nel cour ün ödi inestinguibel cunter el, per tel motif il vulaiva el metter sülla prova ed allura ümilier. Veziand el ün di 20 *Johann Caldar* sper sia poarta, s'invidet el a gianter tiers el, e s'aviand miss a maisa, spüdet el cun beffa e spretsch nella spaisa e vulaiva allura sforzer l'hom et ils sieus da manger la spaisa usche pastrüglia. Ma *Caldar* saglit sü, clapet il chastlaun per la gula, et il sforzet uossa da manger el svesc sü il gianter plain d'sbevas, exclamand: „Usche maglia 25 uossa il pastrülg cha tü hest condieu.“ — Allura curtellet el il chastlaun, clamet spert insemmel il pövel, [p. 212] et in poch as uras fütta il chastels da *Fardiin* e *Bärenburg* conquistos e demolieus, ils famalgs schiatschos et las violenzias vindichedas.

Ün' otra istoria requinta eguelas sceleratezzas dal chastlaun da 30 *Guardaval*, sper *Madulein*, in *Engiadina ota*. Il guvernatur da que chaste vzet üna vouta a *Chiamuesg* la bella figlia d'ün contadin, e vulaiva sforzer il bap, d'al mner quella sün sieu chaste. Il bap stuet ceder alla foarza et impromettet da mner la giuvna dalum ch'ella füss pü bain vestida. Intaunt radunet el ils pü bravs homens dellas proasmas vschinaunchas, 35 chi da löng inno eran sazzis della tirania da quist chastlaun. Quels as pustettan nel god sper il chaste, et il bap condüjet la figlia gio per ils pros. Ils veziand il chastlaun a gnir, currit el incunter alla giuvna e la vulaiva abratscher; co tret il bap sia speda e la passet tres il cour del scelerat. Ils homens zuppos accurrittan our dal god, penetrettan aint per 40

la poarta avierta del chaste, mettettan in fùgia ils satellits e demolittan il chaste. Quaist sun requints, chi s'haun conservos da velg inno nella buocha del pövel, ma ün nun po dir, quaut inavaunt cha saien vardaivels o be inventos; nus avains motifs da dübiter della perfetta realted da 5 medems.

Nus laschairs d'vart telas anecdotes, per requinter ora dall'origine dellas eternas trais Lias.

Origine della Lia Sur o Grischa.

Nella Partura, na dalöntsch dalla vschinauncha da Truns, as vezza üna pitschna chapella, nomneda *St. Anna*. Sper la medema ais ün fich 10 velg bösch d'ascher, [p. 213] vi del quel sun auncha be alchüns rams ornos cun föglia; el ais pü della mited martsch, e bod crudaro quaist venerabel ascher in puolvra. Suot quaist bösch gnit avaunt pü da quattertschient ans güreda la Lia Grischa.

Las violenzias da püss signiurs occasionettan quaista Lia. Els e lur 15 guvernatur chalehaivan il pövel et admettaivan, cha tuots sclerats agissan suainter las vilas paschiuns da lur cours. Perque nun era suenz üngün sgür ne in sia chesa, ne sün la via; avaunt il güdisch l'innozaint nun chattaiva güstia, ne il melfattur chastih. Co s'radunettan ils soprastants dellas vschinaunchas, homens velgs cun chavels grischs e barbas lungias, 20 secretamaing e suenz durante la noat, in ün god sper Truns, per as consulter, co vulessan as guandager da taunta ingüstia, insolenzia e violenza. Zieva madür reflex introdüjettane in lur reuniuns saimper püss onests e fidels homens, e pigliettan la savia resoluziun, da consulter sopra lur pro- post eir il venerabel abate da Disentis, *Peter da Pontaningen*, il quel 25 tuots honoraivan et amaivan.

L'abate appruvet lur resoluziun, e sün sieu cussalg tramattettane lur ils pü risguardos et ansiauns homens tiers ils baruns e cunts del pajais, et als fettan declarer, cha scha els nun avessan chüra, cha tuotas ingüstias e violenzias gnissan banidas our dal pajais, schi cha il cumön pövel nun 30 suppartaro pü löng l'avierta sfrenatezza; cha il pövel vögliä in tuotas chosas onestas e güstas obedir als signiurs et adempir sieus dovairs vers quels, ma eir schiatscher foarza cun foarza. Eir il venerabel abate da Disentis saja in quist regard del medem parair.

[p. 214] In allura l'abate da Disentis avaiva nella Partura bgers drets e 35 signorias; nonostante era la vschinauncha da Disentis quasi indipendente dad el et avaiva gia sieu egen mastrel.

Ils frars *Hans*, *Heinrich* et *Utric Brun*, baruns da Rhäziuns, eran signiurs sur ils cumöns da *Safien*, *Tenna* et *Obersaxen*. Il cunt Hans da

Sax possedaiva qualche drets sur la cited d'Ilanz et era signiur sur il cumön della *Foppa*, da *Vals*, *Flem* e *Lugnexxa*.

Il cunt *Hugo da Werdenberg-Heiligenberg* regniaiva sur las vschin-aunchas da *Trin* e *Tamins*.

Al cunt *Heinrich da Werdenberg-Sargans* appartgnaiva *Schams* e 5 *Val-Reno*, *Leuenberg* e *Schleuis*, *Tusauna*, *Heinzenberg* e *Tschappina*.

Da velg inno libers eran ils abitants *sur il god da Flem*, que ais in *Lax*; e quels in Val-Reno s'avaivan reservo lur veglias liberteds e drets, cur 1277 eran intros suot la protecziun da *Walther da Vax*.

Ils sudets signiurs informos dall'uniun e ferma resoluziun del pövel, 10 et udind, cha l'abate da Disentis approvaiva lur dumandas, as declaretta eir els pronts tiers tuot que chi füss güst et apussaivel. Be il cunt *Heinrich da Werdenberg-Sargans* nun vulaiva savair novas da quist' intenziun del pövel, e scomandet a sia gliend da pigler part a quella. Quels da *Tusauna*, *Tschappina* e *Heinzenberg* obedittan, ma quels da Val-Reno e 15 *Schams* intrettan nella lia.

Nella mited del mais Marz, mamvalg, al alver del sulalg, eran radunos sper la chapella da St. Anna ils baruns e cunts cun lur cavaliers e nöbels, ils soprastants et ansiauns della gliend libra e dels sudits, et intuorn els, in ün circol, ils melgders et ils pü curagius [p. 215] homens our dal pövel. Cul 20 cho scuvert urettan els a Dieu, intrettan in discussiun sopra il contenut da lur lia, gnittan d'accord, elevettan lur mauns e gürettan il seramaint, sco cha l'abate da Disentis als dschet avaunt. Tres quel impromettane:

„D'esser e rester buns e fidels amihs e chers confederos, infün 25
„cha muond düra; da s'assistar vicendevolmaing cun roba, pajais
„e gliend, in deffaisa della güstia, della pesch, dellas stredas e
„del liber traffic;“

„Da mantegner e deffender ogni signiur, taunt ecclesiastic, co
„laic, innöbel e nöbel, pover e rich, e tuots ils members della 30
„lia nel giodimaint da lur drets e possessiuns;“

„Da s'assistar vicendevolmaing in guerra et in pesch, da
„tschercher güstia tiers il güdisch, e na cun la foarza; dad impedir
„tuota violenza, e da chastier ils disobediants, chi nun vuessan
„rispetter las decisiuns del güdisch.“ 35

Quaist et oter statuittan els, corroborettan il tuot tres ün solen güramaint, e munittan la charta della lia cun lur suottascripziuns e sagels.

Tres quista lia gnit il pövel garantieu dallas violenzias dels signiurs ngüsts e dal arbitrio dels guvernatur, ma eir arcuntschieus e rispettos ils drets dels cunts e baruns sur il pövel, taunt inavaunt cha als appart- 40

gniaivan da velg inno. La perfetta liberted nun ho pero il pövel obtgnieu tres quaista lia, dimperse pür in temps posteriurs cumpreda in tuota realted.

Otramaing s'impissaiva il pövel da Schams. Aviand ils chastlauns allo commiss tauntas iniquiteds, e l'ambizius signiur da Sargans suenz 5 lascho sainza ascolto [p. 216] lur güstas almantaunzas, schi vulaiwane franca- maing refüder tuota obediencia et esser libers.

Co innatschet l'uvaisch da Coira als Schamsers cun chastih; tuotüna nun obedittane. Perque ils scomunicet el uel 1431 trais voutas et ogni vouta pü fermamaing, in möd, ch'el proibit a tuots vschins d'avair la 10 minima communiun cun quels da Schams, d'als der pa manger e da baiver; schi el cummandet perfin allas duonnas d'abandoner lur homens, infin ch'els füssan obediants.

Ma ils Schamsers s'indettan poch del signiur da Sargans, del'uvaisch da Coira e da sia scomunica. Que nun patittan pero lur confederos 15 nella lia sura; els dumandettau, cha ils Schamsers obedissan a lur signiur, sco da dovoir e güstia. Quaist fet effet, et ils Schamsers impromettettan dad adempir lur obligaziuns. Usche protegiaivan ils homens della Lia eir il signiurs in lur drets; els daivan ad imminchün il sieu, sco cummandaiva la charta della Lia.

La Lia Cade.

20 *Cura e co* la Lia Cade hegia piglio sia origine, da que nun essans nus exactamaing instruieus. Que pera, cha quaista lia as hegia formeda poch a poch; üna charta da lia nun ais pero avauntmaun. Da temp velg appartgniaivan hgeras vschinaunchas e cuorts all'uvaischia. Alchünas avaivan 25 ilsvaischs cumpredas, insemmel cun ils drets, cha ils prüms patrums avaivan sur quellas; otras s'avaivan suottamissas voluntariamaing al domini dels uvaischs; in otras avaiva l'uvaisch fabrico la baselgia et uschiglö acquisto merits per la [p. 217] cultivaziun della vschinauncha o del pajais, e cotres eir drets; püssas communiteds eran pervgnidas ad el tres donaziuns o 30 naida *appartenents della Cade.*

Nels turbolents temps dels drets del pü ferm e della rapina ils uvaischs nun avaivan suenz ils daners, per cumprer chastels e vschinaunchas, ne la foarza, per deffender pajais e gliעד. Allora las communiteds, inua el possedaiva drets signiorils, al gnivan in agüd cun daners e pövel. Los- 35 cunter daiva l'uvaisch our d'recognuotschentcha a sieus appartenents ogni sort d'liberteds e drets, e cur faiva ün tratto da pesch o üna cumpra, schi eir las principelas communiteds as suottascrivaivan e mettaivan lur sagels suot ils documaints. Nus cuntschains püss exaimpels nell'istoria, inua las communiteds pigliettan üna tela part in affers dell'uvaischia.

Nella pesch p. ex., cha l'uvaisch *Hartmann*, zieva üna guerra cun l'Austria, fet nel an 1392, vegnian eir las communiteds della Cade nomnedas sco partecipevolas al tratto da pesch, et ils Cumöns da Coira, Engiadina ota e Bragaglia attachen lur sagels vi da quel. Cur l'uvaisch acquistet ils chastels da Ramuosch, in Engiadina bassa, e da Greifenstein, sper Filisur, 5 schi assummet immincha communiteds della lia Cade ün' eguela part della summa necessaria; eir furnittan ellas tuotas daner, per spendrer il chaste impegnio d'Aspermont. Cotres gnit in üsaunza ed acquistettan las communiteds il dret, da der lur sentimaint in affers da consequenzia, cha'ls uvaischs intraprendaivan, e suenz las consultaiva l'uvaisch in emergenzas 10 difficultusas. Ellas pigliaivan eir part all' [p.218] elecziun del uvaisch, e l'elecziun era pür allura valida, cur ils cumöns della Cade l'avaivan arcuntschida. Perque vegnian l'uvaisch, il chapitel canonic, et ils cumöns in velgs documaints nomnos: *la Cade*.

Alchünas communiteds avaivan gia in allura lur mastrels e podestets 15 et uschigliö divers drets, p. ex. la *Bragaglia*, *l'Engiadina ota*, *Euras* e *Baiva*. *Fürstenu* passaiva per üna citedina et avaiva tsherts drets, sco sulamang citeds solaivan avair, p. ex., müraglia e la giudicatura sur vita e mort. Pü co tuots oters cumöns avaiva pero la cited da Coira grands privilegis; sieus citadins nun pudaivan gnir convgnieus avaunt ün güdich 20 eister, dimperse stuaivan gnir güdichos dadaint lur muraglia; ella nun pudaiva gnir escommunicheda, sch'ella pigliaiva sü gliעד, chi dal imperatur eran declaros bandieus; ella suschaiva avair ün'egna dogana, inua tuotas merchanzias stuaivan gnir schiarsedas; et oters drets similis.

Ma tuotüna possedaiva eir l'uvaisch bgers drets sur la cited. Nel 25 an 1349 l'imperatur Carlo IV. regalet al uvaisch il dret da scouder nella cited tuots ils dazis regals, la giudicatura civila e criminela allo, il dret da batter munaida, d'installer nella cited ün prefet imperiel (Reichsvogt), ün mastrel, ün Canzellier et ün Werkmeister. Ad era pero reservo, cha l'uvaisch nomness lotiers homens agradevols alla cited. In temp da guerra 30 l'uvaisch e la cited aviand bsöng d'agüd eister, fettane tuots duos nel' an 1419 üna alliaunza per 51 ans cun la cited da Zürig. Löng vivettan ils uvaischs cun la citadinanza da Coira in bun' amicizia; ma qualvoutas naschivan eir dissenziuns, inua ordinariamaing la cited da Zürig et otras communiteds della [p.219] Cade gnivan interpelladas seo arbiters, per deffinir la 35 contaissa. Que füt il cas nel an 1422, aviand l'uvaisch *Johann Abundi Naso* üna differenzia cun la cited da Coira. Co fet l'uvaisch serrer las baselgias e vulaiva, suspendand il culto divin, sforzer la citadinanza a s' conformer a sia vöglija. Ma ils citadins da Coira pigliettan las armas, assediettan il Hof, pigliettan d'assalto il palaz vescovil, e mürettan sü la 40

poarta davous, afin cha üngün nun pudess, sainza lur sapchüda, gnir in agüd al uvaisch. Mr Johann Abundi era fügen et imploret l'assistenza dels Zürigais e dels cumöns della Cade. Quaists tramettettan lur deputos a Coira, ils quels accomodettan la cuntaisa. Sün que restituittan ils 5 citadins da Coira tuot que ch'els avaiavan butino nel palaz vescovil, e traunter l'uvaisch e la cited füttan determinos pü precisamaing ils drets e dovoirs d'ogni part.

Ün craja uossa, cha in que incunter l'uvaisch hegia fat ün tratto o üna lia eir cun tuotas las otras communiteds della Cade, tres la quela 10 quaistas hegian acquisto grandas liberteds e drets. Da que temp inno dessan ils appartenents dell' uvaischia esser dvantos *homens libers della Cade*.

La lia dellas desch drettüras.

1436.

Las valledas e communiteds, chi fuorman oaz in di la lia dellas desch drettüras, eran pü bod suot il domini da quels da Vaz. Tres Kunigunda, figlia da Donat, pervgnittan quaistas contredgias al cunt da 15 Toggenburg. Quella vouta eran ündesch cumöns, comprais eir il cumön capitulare da Schiers e Seevis. Ils [p. 220] abitands da quists cumöns nun eran eguels in drets e liberteds, sco neir in otras chosas. Suenz vegüian anoveros *libers Valsers*, cun egens drets; ün craja, cha que sajan stos ils Tavoschers, ils prüms abitants da quista val doviand originer dal Vallais 20 superiur. Na tuots ils abitants da Partens e Schalfik appartgnaivan a quists Valsers; ad ais pero probabel, cha ils Valsers hegian tschantscho tudaisch, e cha ils Romaunsch in quaists lous sajan stos main libers. Ma da que temp nun gniva neir in Partens tschantscho dapertuot tudaisch; la granda part dels noms dellas vschinaunchas, vals, alps, bains etc. haun lur 25 origine dal linguaich romaunsch: ün so eir, cha a Clostra ais infin vers la refuorma sto üna communited romaunscha et üna tudaischia. Tiers *la ghieud libra* haun da velg inno appartgnieu quels da *Tavo*, *Langvies* e *Belfort*. Ma tuots eran suottamiss al domini dels cunts da Toggenburg.

Murind nel' an 1436 il cunt *Frederic*, chi era naschieu sün il chaste 30 da Solavers, sper Grüsch, sainza lascher infaunts e sainza avair stabilieu tres testamaiut, chi dovess erter sias possessiuns e sieus drets: schi s'elevet üna lungia e violenta cuntaisa traunter sieus paraints, e cur eir la cited da Zürich et ils pajais da Schwiz e Glaruna as masdettan in quella, rumpet our l'usche dita *veglia guerra da Zürich*.

35 Dürante quistas cuntaisas las contredgias e vschinaunchas in questiuon as chattaivan expoastas ad ogni sort d'prievels e miserias da guerra; imminchün dels ertevels tscherchaiva la favur del pövel, mentre cha ils

adversaris percunter l'innatschaivan cun guerra. Co as resolvettan quels
dellas desch drettüras, da fer [p. 221] üna lia, chi nun avaiva zuond bricha la
mira da s'sottrir al domiui, o da restrinscher ils drets dels signiurs; els
vulaivan be as garantir da tuotas violenzias e mantegner nel intern da
lur pajais las ledschas e l'uorden. Usche as radunettan our da tuotas las 5
giurisdicziuns ils soprastants dellas communiteds e bger pövel a Tavo, il
di 8 d'Lülj, 1436, e gürettan üna lia, chia 'l mastrel da que temp, *Ulric
Beeli*, cun oters soprastants del pövel suottascrivet.
